



10392

宋  
名  
家  
詞  
十

光緒戊子中夏  
黔黃主陵畧

汲古閣原本  
唐汪氏重校



宋名家詞總目

珠玉詞一卷

晏殊

六一詞一卷

歐陽脩

樂章集一卷

柳永

東坡詞一卷

蘇軾

山谷詞一卷

黃庭堅

淮海詞一卷

秦觀

小山詞一卷

晏幾道

東堂詞一卷

毛滂

放翁詞一卷

陸游

稼軒詞四卷

辛棄疾

總目

片玉詞二卷補遺一卷

周邦彥

梅溪詞一卷

史達祖

白石詞一卷

姜夔

石林詞一卷

葉夢得

酒邊詞二卷

向子諲

溪堂詞一卷

謝逸

樵隱詞一卷

毛幵

竹山詞一卷

蔣捷

書舟詞一卷

程垓

坦菴詞一卷

趙師俠

惜香樂府十卷

趙長卿

西樵語業一卷

楊炎

竹屋癡語一卷

高觀國

夢窗稿四卷補遺一卷

吳文英

近體樂府一卷

周必大

竹齋詩餘一卷

黃機

金谷遺音一卷

石孝友

散花菴詞一卷

黃昇

和清真詞一卷

方千里

後村別調一卷

劉克莊

蘆川詞一卷

張元幹

于湖詞三卷

張孝祥

總目

二

洛水詞一卷

程秘

歸愚詞一卷

葛立方

龍洲詞一卷

劉過

初寮詞一卷

王安中

龍川詞一卷

陳亮

姑溪詞一卷

李之儀

友古詞一卷

蔡伸

石屏詞一卷

戴復古

海野詞一卷

曾覲

逃禪詞一卷

楊无咎

空同詞一卷

洪璚

介菴詞一卷

趙彥端

平齋詞一卷

洪咨夔

文溪詞一卷

李公昂

丹陽詞一卷

葛勝仲

爛窟詞一卷

侯寘

克齋詞一卷

沈端節

芸窗詞一卷

張榘

竹坡詞三卷

周紫芝

聖求詞一卷

呂渭

壽域詞一卷

杜安世

審齋詞一卷

王千秋

總目

三

東浦詞一卷

韓玉

知稼翁詞一卷

黃公度

無住詞一卷

陳與義

後山詞一卷

陳師道

蒲江詞一卷

盧祖臯

琴趣外篇六卷

晁補之

烘堂詞一卷

盧炳

珠玉詞

目錄

點絳脣 一調

浣溪沙 十二調

清商怨 一調

菩薩蠻 四調

訴衷情 七調

採桑子 七調

酒泉子 二調

望仙門 三調

謁金門 一調

清平樂 五調

更漏子 四調

相思兒令 二調

喜遷鶯 五調

撼庭秋 一調

胡搗練 一調

秋蕊香 二調

滴滴金 一調

燕歸梁 二調

珠玉詞目

望漢月 一調

少年遊 四調

雨中花 一調

迎春樂 一調

紅窗聽 二調

睿恩新 二調

玉樓春 十調

鳳啣杯 三調

踏莎行 五調

臨江仙 一調

蝶戀花 七調

玉堂春 三調

漁家傲 十三調

破陣子 四調

瑞鷓鴣 二調

帶人嬌 三調

連理枝 二調

長生樂 二調

山亭柳 一調

拂霓裳 三調

珠玉詞目錄終

珠玉詞

宋晏殊

點絳脣

露下風高井梧宮簾生秋意畫堂筵啓一曲呈珠綴  
天外行雲欲去凝香袂爐煙起斷腸聲裏斂盡雙  
蛾翠

浣溪沙

舊刻十三闕攷青杏園林  
養酒香是永叔作今刪去

閨苑瑤臺風露秋整鬢凝思捧觥籌欲歸臨別強遲  
留月好漫成孤枕夢酒闌空得兩眉愁此時情緒  
悔風流

又

珠玉詞

三月和風滿上林牡丹妖豔直千金惱人天氣又春  
陰爲我轉回紅臉面向誰分付紫臺心有情須殢  
酒杯深

又

向誤入南  
唐二主詞

一曲新詞酒一杯去年天氣舊亭臺夕陽西下幾時  
迴無可奈何花落去似曾相識燕歸來小園香徑  
獨徘徊

又

紅蓼花香夾岸稠綠波春水向東流小船輕舫好追  
遊漁父酒醒重撥棹鴛鴦飛去卻回頭一杯銷盡  
兩眉愁

又

淡淡梳妝薄薄衣  
天仙模樣好容儀  
舊歡前事入顰眉  
閒役夢魂孤燭暗  
恨無消息畫簾垂  
且留雙淚說相思

又

小閣重簾有燕過  
晚花紅片落庭莎  
曲闌干影入涼波  
一霎好風生翠幕  
幾回疎雨滴圓荷  
酒醒人散得愁多

又

宿酒纔醒厭玉卮  
水沈香冷懶熏衣  
早梅先綻日邊枝  
寒雪寂寥初散後  
春風悠颺欲來時  
小屏閒放

珠玉詞

二

畫簾垂

又

綠葉紅花媚曉煙  
黃蜂金蕊欲披蓮  
水風深處懶回船  
可惜異香珠箔外  
不辭清唱玉尊前  
使星歸覲九重天

又

湖上西風急暮蟬  
夜來清露溼紅蓮  
少留歸騎促歌筵  
爲別莫辭金盞酒  
入朝須近玉爐煙  
不知重會是何年

又

楊柳陰中駐彩旌  
芰荷香裏勸金觥  
小詞流入管絃



聲 只有醉吟寬別恨不須朝暮促歸程雨條煙葉  
繫人情

又

一向年光有限身等閒離別易銷魂酒筵歌席莫辭  
頻 滿目山河空念遠落花風雨更傷春不如憐取

眼前人

又

玉腕冰寒滴露華粉融香雪透輕紗晚來妝面勝荷  
花 鬢髻欲迎眉際月酒紅初上臉邊霞一場春夢  
日西斜

清商怨

向誤入歐集按詩話或問元獻公  
雁過南雲云云確是公作今增入

珠玉詞

三

關河愁思望處滿漸素秋向晚雁過南雲行人回淚  
眼 雙鸞衾裯悔展夜又永枕孤人遠夢未成歸梅  
花聞塞管

菩薩蠻

芳蓮九蕊開新豔輕紅淡白勻雙臉一朵近華堂學  
人宮樣妝 著時斟美酒共祝千年壽銷得曲中誇  
世間無此花

又

秋花最是黃葵好天然嫩態迎秋早染得道家衣淡  
妝梳洗時 曉來清露滴一一金杯側插向綠雲鬢  
便隨王母仙

又

人人盡道黃葵淡  
儂家解說黃葵豔  
可喜萬般宜不  
勞朱粉施  
摘取承金盞  
勸我千長算  
攀作女真冠  
試伊嬌面看

又

高梧葉下秋光晚  
珍叢化出黃金盞  
還似去年時  
傍闌三兩枝  
人情須耐久  
花面長依舊  
莫學蜜蜂兒  
等閒悠颺飛

訴衷情

舊刻八首  
效海棠珠綴一重  
重是子瞻作今刪

青梅煮酒鬪時新  
天氣欲殘春  
東城南陌花下  
逢著意中人  
回繡袂  
展香茵  
敘情親  
此時拚作千尺游

珠玉詞

四

絲惹住朝雲

又

東風楊柳欲青青  
煙淡雨初晴  
惱他香閣濃睡  
撩亂有啼鶯  
眉葉細舞腰輕  
宿妝成一春芳意  
三月和風牽繫人情

又

芙蓉金菊鬪馨香  
天氣欲重陽  
遠村秋色如畫  
紅樹閒疎黃  
流水淡碧天長  
路茫茫憑高目斷  
鴻雁來時無限思量

又

數枝金菊對芙蓉  
搖落意重重  
不知多少幽怨和露

泣西風 人散後月明中夜寒濃謝娘愁臥潘令閒  
眠心事無窮

又

露蓮雙臉遠山眉偏與淡妝宜小庭簾幕春晚閒共  
柳絲垂 人別後月圓時信遲遲心心念念說盡無  
憑只是相思

又

秋風吹綻北池蓮曙雲樓閣鮮書堂今日嘉會齊拜  
玉爐煙 斟美酒祝芳筵奉觥船宜春耐夏多福莊  
嚴富貴長年

又

珠玉詞

五

世閒榮貴月中人嘉慶在今辰蘭堂簾幕高捲清唱  
過行雲 持玉盞歛紅巾祝千春榴花壽酒金鴨爐  
香歲歲長新

採桑子

春風不負東君信偏折羣芳燕子雙雙依舊啣泥入  
杏梁 須知一盞花前酒占得韶光莫話匆忙夢裏  
浮生足斷腸

又

紅英一樹春來早獨占芳時我有心期把酒攀條惜  
絳鞋 無端一夜狂風雨暗落繁枝蝶怨鶯悲滿眼  
春愁說向誰

又

陽和二月芳菲徧暖景溶溶戲蝶遊蜂深入千花粉  
豔中 何人解繫天邊日占取春風免使繁紅一片  
西飛一片東

又

櫻桃謝了梨花發紅白相催燕子歸來幾處風簾繡  
戶開 人生樂事知多少且酌金杯管咽絃哀慢引  
蕭娘舞袖迴

又石  
竹

古羅衣上金針樣繡出芳妍玉砌朱闌紫豔紅英照  
日鮮 佳人畫閣新妝了對立叢邊試摘嬋娟貼向

珠玉詞

六

眉心學翠鈿

又

時光只解催人老不信多情長恨離亭滴淚春衫酒  
易醒 梧桐昨夜西風急淡月朧明好夢頻驚何處  
高樓雁一聲

又

林閒摘徧雙雙葉寄與相思朱槿開時尙有山榴一  
兩枝 荷花欲綻金蓮子半落紅衣晚雨微微待得  
空梁宿燕歸

酒泉子

三月暖風開卻好花無限了當年叢下落紛紛最愁

人長安多少利名身若有一杯香桂酒莫辭花下  
醉芳茵且留春

又

春色初來徧被紅芳千萬樹流鶯粉蝶鬪翻飛戀香  
枝勸君莫惜縷金衣把酒看花須強飲明朝後日  
漸離披惜芳時

望仙門

紫薇枝上露華濃起秋風管絃聲細出簾櫳象筵中  
仙酒斟雲液仙歌轉繞梁虹此時佳會慶相逢慶  
相逢歡醉且從容

又

珠玉詞

七

玉壺清漏起微涼好秋光金杯重疊滿瓊漿會仙鄉  
新曲調絲管新聲更颺霓裳博山爐暖泛濃香泛  
濃香爲壽百年長

又

玉池波浪碧如鱗露蓮新清歌一曲翠眉嚬舞華茵  
滿酌蘭英酒須知獻壽千春太平無事荷君恩荷  
君恩齊唱望仙門

謁金門

秋露墜滴盡楚蘭紅淚往事舊歡何限意思量如夢  
寐人貌老于前歲風月宛然無異座有嘉賓尊有  
桂莫辭終夕醉

清平樂

春花秋草只是催人老總把千山眉黛掃未抵別愁  
多少勸君綠酒杯莫嫌絲管聲催兔走烏飛不  
住人生幾度三臺

又

秋光向晚小閣初開讌林葉殷紅猶未徧雨後青苔  
滿院蕭娘勸我金卮殷勤更唱新詞暮去朝來卽  
老人生不飲何爲

又

春來秋去往事知何處燕子歸飛蘭泣露光景千留  
不住酒闌人散草草閒階獨倚梧桐記得去年今

珠玉詞

八

日依前黃葉西風

又

金風細細葉葉梧桐墜綠酒初嘗人易醉一枕小窗  
濃睡紫薇朱槿花殘斜陽卻照闌干雙燕欲歸時  
節銀屏昨夜微寒

又

紅牋小字說盡平生意鴻雁在雲魚在水惆悵此情  
難寄斜陽獨倚西樓遙山恰對簾鉤人面不知何  
處綠波依舊東流

更漏子

薜華濃山翠淺一寸秋波如翦紅日永綺筵開暗隨

仙馭來 過雲聲回雪袖占斷曉鶯春柳纔送目又  
顰眉此情誰得知

又

塞鴻高仙露滿秋入銀河清淺逢好客且開眉盛年  
能幾時 寶箏調羅袖輒拍碎畫堂檀板須盡醉莫  
推辭人生多別離

又

雪藏梅煙著柳依約上春時候初送雁欲聞鶯綠池  
波浪生 探花開留客醉憶得去年情味金盞酒玉  
爐香任他紅日長

又

珠玉詞

九

菊花殘梨葉墮可惜良辰虛過新酒熟綺筵開不辭  
紉玉杯 蜀絃高羌管脆慢颺舞娥香袂君莫笑醉  
鄉人熙熙長似春

相思兒令

昨日探春消息湖上綠波平無奈繞隄芳草還向舊  
痕生 有酒且醉瑤觥更何妨檀板新聲誰教楊柳  
千絲就中牽繫人情

又

春色漸芳菲也遲日滿煙波正好豔陽時節爭奈落  
花何 醉殺擬恣狂歌斷腸中贏得愁多不如歸傍  
紗窗有人重畫雙蛾

喜遷鶯

風轉蕙露催蓮鶯語尙綿蠻堯冀隨月欲團圓眞馭  
降荷蘭 褰油幕調清樂四海一家同樂千官心在  
玉爐香聖壽祝天長

又

歌歛黛舞縈風遲日象筵中分行珠翠簇繁紅雲髻  
裊瓏璵 金爐暖龍香遠共祝堯齡萬萬曲終休解  
畫羅衣留伴綵雲飛

又

花不盡柳無窮應與我情同舫船一棹百分空何處  
不相逢 朱絃悄知音少天若有情應老勸君看取

珠玉詞

十

利名場今古夢茫茫

又

燭飄花香掩爐中夜酒初醒畫樓殘照兩三聲窗外  
月朧明 曉簾垂鶯鶯去好夢不知何處南園春色  
已歸來庭樹有寒梅

又

曙河低斜月淡簾外早涼天玉樓清唱倚朱絃餘韻  
入疎煙 臉霞輕眉翠重欲舞釵鈿搖動人人如意  
祝爐香萬壽百千長

撼庭秋

別來音信千里恨此情難寄碧紗秋月梧桐夜雨幾



回無寐 樓高目斷天遙雲黯只堪憔悴念蘭堂紅  
燭心長焰短向人垂淚

胡搗練

小桃花與早梅花盡是芳妍品格未上東風先拆分  
付春消息 佳人釵上玉尊前朶朶穠香堪惜誰把  
彩毫描得免恁輕拋擲

秋蕊香

梅蕊雪殘香瘦羅幕輕寒微透多情只似春楊柳占  
斷可憐時候 蕭娘勸我杯中酒翻紅袖金烏玉兔  
長飛走爭得朱顏依舊

又

珠玉詞

十一

向曉雪花呈瑞飛徧玉城瑤砌何人翦碎天邊桂散  
作瑤田瓊蕊 蕭娘歛盡雙蛾翠迴香袂今朝有酒  
今朝醉遮莫更長無睡

滴滴金

梅花漏洩春消息柳絲長草芽碧不覺星霜鬢邊白  
念時光堪惜 蘭堂把酒留嘉客對離筵駐行色千  
里音塵便疎隔合有人相憶

燕歸梁

雙燕歸飛繞畫堂似留戀虹梁清風明月好時光更  
何況綺筵張 雲衫侍女頻傾壽酒加意動笙簧人  
人心在玉爐香慶佳會祝筵長

又

金鴨香爐起瑞煙呈妙舞開筵陽春一曲動朱絃斟  
美酒泛觥船 中秋五日風清露爽猶是早涼天蟠  
桃花發一千年祝長壽比神仙

望漢月

千縷萬條堪結占斷好風良月謝娘春晚先多愁更  
撩亂絮如雪 短亭相送處長憶得醉中攀折年年  
歲歲好時節怎奈有人離別

少年遊

重陽過後西風漸緊庭樹葉紛紛朱闌向曉芙蓉妖  
豔特地鬪芳新 霜前月下斜紅淡蕊明媚欲回春

珠玉詞

七

莫將瓊萼等閒分留贈意中人

又

霜華滿樹蘭凋蕙慘秋豔入芙蓉臙脂嫩臉金黃輕  
蕊猶自怨西風 前歡往事當歌對酒無限到心中  
更憑朱檻憶芳容腸斷一枝紅

又

芙蓉花發去年枝雙燕欲歸飛蘭堂風輒金爐香暖  
新曲動簾帷 家人拜上千春壽深意滿瓊卮綠鬢  
朱顏道家裝束長似少年時

又

謝家庭檻曉無塵芳晏祝良辰風流妙舞櫻桃清唱

依約駐行雲 榴花一盞濃香滿爲壽百千春歲歲  
年年共歡同樂嘉慶與時新

雨中花

翦翠妝紅欲就折得清香滿袖一對鴛鴦眠未足葉  
下長相守 莫傍細條尋嫩藕怕綠刺罨衣傷手可  
惜許月明風露好在人歸後

迎春樂

長安紫陌春歸早驪垂楊染芳草被啼鶯語燕催清  
曉正好夢頻驚覺 當此際青樓臨大道幽會處兩  
情多少莫惜明珠百琲占取長年少

紅窗聽

珠玉詞

七

淡薄梳妝輕結束天付與臉紅眉綠斷環書素傳情  
久許雙飛同宿 一餉無端分比目誰知道風前月  
底相看未足此心終擬覓鸞絃重續

又

記得香閨臨別語彼此有萬重心訴淡雲輕靄知多  
少隔桃源無處 夢覺相思天欲曙依前是銀屏畫  
燭宵長歲暮此時何計託鴛鴦飛去

睿恩新

芙蓉一朵霜秋色迎曉露依依先拆似佳人獨立傾  
城傍朱檻暗傳消息 靜對西風脈脈金蕊綻粉紅  
如滴向蘭堂莫厭重新免清夜微寒漸逼

又

紅絲一曲傍階砌珠露下獨呈纖麗翦鮫綃碎作香  
英分彩線簇成嬌蕊 向晚羣花新悴放朶朶似延  
秋意待佳人插向釵頭更裊裊低臨鳳髻

玉樓春

東風昨夜回梁苑日腳依稀添一線旋開楊柳綠蛾  
眉暗折海棠紅粉面 無情一去雲中雁有意歸來  
梁上燕有情無意且休論莫向酒杯容易散

又

簾旌浪卷金泥鳳宿醉醒來長曹鬆海棠開後曉寒  
輕柳絮飛時春睡重 美酒一杯誰與共往事舊歡

珠玉詞

丙

時節動不如憐取眼前人免使勞魂兼役夢

又

燕鴻過後鶯歸去細算浮生千萬緒長於春夢幾多  
時散似秋雲無覓處 聞琴解佩神仙侶挽斷羅衣  
留不住勸君莫作獨醒人爛醉花間應有數

又

池塘水綠風微暖記得玉真初見面重頭歌韻響錚  
深入破舞腰紅亂旋 玉鈞闌下香階畔醉後不知  
斜日晚當時共我賞花人點檢如今無一半

又

玉樓朱閣橫金鎖寒食清明春欲破窗間斜月兩眉

愁簾外落花雙淚墮 朝雲聚散眞無那百歲相看  
能幾箇別來將爲不牽情萬轉千回思想過

又

朱簾半下香銷印二月東風催柳信琵琶旁畔且尋  
思鸚鵡前頭休借問 驚鴻去後生離恨紅日長時  
添酒困未知心在阿誰邊滿眼淚珠言不盡

又

杏梁歸燕雙回首黃蜀葵花開應候畫堂元是降生  
辰玉盞更斟長命酒 爐中百和添香獸簾外青蛾  
回舞袖此時紅粉感恩人拜向月宮千歲壽

又

珠玉詞

五

紫微朱槿繁開後枕簟微涼生玉漏玳筵初啓日穿  
簾檀板欲開香滿袖 紅衫侍女頻傾酒龜鶴仙人  
來獻壽歡聲喜氣逐時新青鬢玉顏長似舊

又

春葱指甲輕攏撚五彩條垂雙袖捲雪香濃透紫檀  
槽胡語急隨紅玉腕 當頭一曲情無限入破錚鏦  
金鳳戰百分芳酒祝長春再拜歛容擡粉面

又

紅條約束瓊肌穩拍碎香檀催急袞瓏頭鳴咽水聲  
繁葉下閒關鶯語近 美人才子傳芳信明月清風  
傷別恨未知何處有知音長爲此情言不盡

鳳啣杯

青蘋昨夜秋風起無限個露蓮相倚獨凭朱闌愁放  
晴天際空目斷遙山翠 彩箋長錦書細誰信道兩  
情難寄可惜良辰好景歡娛地只恁空憔悴

又

留花不住怨花飛向南園情緒依依可惜倒紅斜向  
一枝枝經宿雨又離披 凭朱檻把金卮對芳叢惆  
悵多時何况舊歡新寵阻心期滿眼是相思

又

柳條花類惱青春更那堪飛綠紛紛一曲細絲清脆  
倚朱唇斟綠酒掩紅巾 追往事惜芳辰暫時閒留

珠玉詞

去

住行雲端的自家心下眼中人到處覺尖新

踏莎行

細草愁煙幽花怯露凭闌總是銷魂處日高深院靜  
無人時時海燕雙飛去 帶暖羅衣香殘蕙炷天長  
不禁迢迢路垂楊只解惹春風何曾繫得行人住

又

祖席離歌長亭別宴香塵已隔猶迴面居人匹馬映  
林嘶行人去棹依波轉 畫閣魂消高樓目斷斜陽  
只送平波遠無窮無盡是離愁天涯地角尋思徧

又

碧海無波瑤臺有路思量便合雙飛去當時輕別意

中人山長水遠知何處 綺席凝塵香閨掩霧紅殘  
小字憑誰附高樓日盡欲黃昏梧桐葉上蕭蕭雨

又

綠樹歸鶯雕梁別燕春光一去如流電當歌對酒莫  
沈吟人生有限情無限 弱袂縈春修蛾寫怨秦箏  
寶柱頻移雁尊中綠醕意中人花朝月下長相見

又

小徑紅稀芳郊綠徧高臺樹色陰陰見春風不解禁  
楊花濛濛亂撲行人面 翠葉藏鶯朱簾隔燕爐香  
靜逐遊絲轉一場愁夢酒醒時斜陽卻照深深院

臨江仙

珠玉詞

七

資善堂中三十載舊人多是凋零與君相見最傷情  
一尊如舊聊且話平生 此別要知須強飲雪殘風  
細長亭待君歸覲九重城帝宸思舊朝夕奉皇明

蝶戀花

舊七首攷玉枕冰寒銷暑氣是子瞻作  
梨葉疎紅蟬韻歇是永叔作今刪去又

未二首向另刻鷓鴣踏枝攷  
是一調今併入仍七首

一霎秋風驚畫扇豔粉嬌紅尙折荷花面草際露垂  
蟲響徧珠簾不下留歸燕 掃掠亭臺開小院四坐  
清歡莫放金杯淺龜鶴命長松壽遠陽春一曲情千  
萬

又

紫菊初生朱槿墜月好風清漸有中秋意更漏乍長

天似水銀屏展盡遙山翠  
繡幕卷波香引穗急筵  
繁絃共愛人間瑞滿酌玉杯  
縈舞袂南春祝壽千千  
歲

又一刻六一詞  
一刻東坡詞

簾幕風輕雙語燕午醉醒來柳絮飛撩亂心事一春  
猶未見餘花落盡青苔院  
百尺朱樓閒倚徧薄雨  
濃雲抵死遮人面消息未知歸早晚斜陽只送平波  
遠

又

六曲闌干偎碧樹楊柳風輕展盡黃金縷誰把鈿箏  
移玉柱穿簾海燕雙飛去  
滿眼游絲兼落絮紅杏

珠玉詞

六

開時一霎清明雨濃睡覺來鶯亂語驚殘好夢無尋  
處

又上二首或  
刻六一詞

南雁依稀迴側陣雪霽牆陰徧覺蘭芽嫩中夜夢餘  
消酒困爐香卷穗燈生暈  
急景流年都一瞬往事  
前歡未免縈方寸臘後花期知漸近寒梅已作東風  
信

又向另刻  
鵲踏枝

檻菊愁煙蘭泣露羅幕輕寒燕子雙飛去明月不諳  
離恨苦斜光到曉穿朱戶  
昨夜西風凋碧樹獨上  
高樓望盡天涯路欲寄彩箋  
口尺素山長水闊知何



處

又

紫府羣仙名籍祕五色斑龍暫降人閒媚海變桑田  
都不記蟠桃一熟三千歲 露滴彩旌雲繞袂誰信  
壺中別有笙歌地門外落花隨水逝相看莫惜尊前  
醉

玉堂春

帝城春暖御柳暗遮空苑海燕雙雙拂颺簾櫳女伴  
相攜共繞林閒路折得櫻桃插髻紅 昨夜臨明微  
雨新英徧舊叢寶馬香車欲傍西池看觸處楊花滿  
袖風

珠玉詞

又

後園春早殘雪尙濛煙草數樹寒梅欲綻香英小妹  
無端折盡釵頭朶滿把金尊細細傾 憶得往年同  
伴沈吟無限情惱亂東風莫便吹零落惜取芳菲眼  
下明

又

斗城池館二月風和煙暖繡戶珠簾日影初長玉轡  
金鞍繚繞沙隄路幾處行人映綠楊 小檻朱闌回  
倚千花濃露香脆管清絃欲奏新翻曲依約林閒坐  
夕陽

漁家傲

舊刻十四首攷粉筆丹青  
描未得是六一詞刪去

畫鼓聲中昏又曉時光只解催人老求得淺歡風日  
好齊喝調神仙一曲漁家傲 綠水悠悠天杳杳浮  
生豈得長年少莫惜醉來開口笑須信道人閒萬事  
何時了

又

荷葉荷花相閒鬪紅驕綠掩新妝就昨日小池疎雨  
後鋪錦繡行人過去頻回首 倚徧朱闌凝望人鴛  
鴦浴處波文皺誰喚謝娘斟美酒繁舞袖當筵勸我  
千長壽

又

荷葉初開猶半卷荷花欲折須微綻此葉此花真可

珠玉詞

三

羨秋水畔青涼綠映紅妝面 美酒一杯留客宴拈  
花摘葉情無限爭奈世人多聚散頻祝願如花似葉  
長相見

又

楊柳風前香百步盤心碎點眞珠露疑是水仙開洞  
府妝景趣紅幢綠蓋朝天路 小鴨飛來稠鬧處三  
三兩兩能言語飲散短亭人欲去留不住黃昏更下  
蕭蕭雨

又

葉下鴉鵲眠未穩風翻露飈香成陣仙女出遊知遠  
近羞借問饒將綠扇遮紅粉 一掬蕊黃霑雨潤天

人乞與金英嫩試折亂條醒酒困應有恨芳心易盡  
情無盡

又

鬢畫溪邊停彩舫仙娥繡被呈新樣颯颯風聲來一  
餉愁四望殘紅片片隨波浪瓊臉麗人青步障風  
牽一袖低相向應有錦鱗閒倚傍秋水上市時綠柳  
輕搖颺

又

宿蕊鬪攢金粉闌青房暗結蜂兒小斂面似啼還似  
笑天與貌人閒不是鉛華少葉輕香清無限好風  
頭日脚乾催老待得玉京仙子到剛向道紅顏只合

珠玉詞

三

長年少

又

臉傅朝霞衣翦翠重重占斷秋水一曲採蓮風細  
細人未醉鴛鴦不合驚飛起欲摘嫩條嫌綠刺閒  
敲畫扇偷金蕊半夜月明珠露墜多少意紅腮點點  
相思淚

又

越女採蓮江北岸輕橈短棹隨風便人貌與花相鬪  
豔流水慢時時照影看妝面蓮葉層層張綠繖蓮  
房箇箇垂金盞一把藕絲牽不斷紅日晚回頭欲去  
心撩亂

又

粉面啼紅腰束素當年拾翠曾相過密意深情誰與  
訴空怨慕西池夜夜風兼露池上夕陽籠碧樹池  
中短棹驚微雨水泛落英何處去人不悟東流到了  
無停住

又

幽鷺慢來窺品格雙魚豈解傳消息綠柄嫩香頻採  
摘心似織條條不斷誰牽役粉淚暗和清露滴羅  
衣染就秋江色對面不言情脈脈煙水隔無人說似  
長相憶

又  
上二首或  
入六一詞

珠玉詞

三

楚國細腰元自瘦文君賦臉誰描就日夜鼓聲催箭  
漏昏復晝紅顏豈得長依舊醉拆嫩房和蕊嗅天  
絲不斷清香透卻傍小闌凝望久風滿袖西池月上  
人歸後

又

嫩綠堪裁紅欲綻蜻蜓點水魚遊畔一霎雨聲香四  
散風颭亂高低掩映千萬總是凋零終有恨能  
無眼下生留戀何似折來妝粉面勤看翫勝如落盡

秋江岸

破陣子

海上蟠桃易熟人間好月長圓惟有擘釵分鈿侶離

別常多會面難此情須問天  
蠟燭到明垂淚熏爐  
盡日生煙一點淒涼愁絕意漫道秦箏有剩絃何曾  
爲細傳

又

燕子欲歸時節高樓昨夜西風求得人間成小會試  
把金尊傍菊叢歌長粉面紅 斜日更穿簾幕微涼  
漸入梧桐多少襟懷言不盡寫向蠻牋曲調中此情  
千萬重

又

憶得去年今日黃花已滿東籬曾與玉人臨小檻共  
折香英泛酒卮長條插鬢垂 人貌不應遷換珍叢

珠玉詞

三

又觀芳菲重把一尊尋舊徑所惜光陰去似飛風飄  
露冷時

又

湖上西風斜日荷花落盡紅英金菊滿叢珠顆細海  
燕辭巢翅羽輕年年歲歲情 美酒一杯新熟高歌  
數闋堪聽不向尊前同一醉可奈光陰似水聲迢迢  
去未停

瑞鷓鴣

詠紅梅

越娥紅淚泣朝雲越梅從此學妖嬈臘月初頭庾嶺  
繁開後特染妍華贈世人 前溪昨夜深深雪朱顏  
不掩天真何時驛使西歸寄與相思客一枝新報道

江南別樣春

又

江南殘臘欲歸時有梅紅亞雪中枝一夜前村閒破  
瑤英擣端的千花冷未知 丹青改樣勻朱粉雕梁  
欲畫猶疑何妨與向冬深密種秦人路夾仙溪不待  
天桃客自迷

帶人嬌

二月春風正是楊花滿路那堪更別離情緒羅巾掩  
淚任粉痕霑汗爭奈向千留萬留不住 玉酒頻傾  
宿眉愁聚空腸斷寶箏絃柱人間後會又不知何處  
魂夢裏也須時時飛去

珠玉詞

三首

又

玉樹微涼漸覺銀河影轉林葉靜疎紅欲徧朱簾細  
雨尚遲留歸燕嘉慶日多少世人良願 楚竹驚鸞  
秦箏起雁縈舞袖急翻羅薦雲迴一曲更輕攏檀板  
香炷遠同祝壽期無限

又

一葉秋高向夕紅蘭露墜風月好乍涼天氣長生此  
日見人中喜瑞斟壽酒重唱妙聲珠綴 鳳筵移宮  
綉衫迴袂簾影動鵲爐香細南真寶籙賜玉京千歲  
良會永莫惜流霞同醉

連理枝

玉宇秋風至簾幕生涼氣朱槿猶開紅蓮尙拆芙蓉  
含蕊送舊巢歸燕拂高簾見梧桐葉墜嘉宴凌晨  
啓金鴨飄香細鳳竹鸞絲清歌妙舞畫呈游藝願百  
千遐壽比神仙有年年歲歲

又

綠樹鶯聲老金井生秋早不寒不暖裁衣按曲天時  
正好况蘭堂逢著壽筵開見爐香縹緲組繡呈纖  
巧歌舞誇妍妙玉酒頻傾朱絃翠管移宮易調獻金  
杯重疊祝長生永逍遙奉道

長生樂

玉露金風月正圓臺榭早涼天畫堂嘉會組繡列芳

珠玉詞

三

筵洞府星辰龜鶴來添福壽歡聲喜色同入金爐泛  
濃煙清歌妙舞急管繁絃榴花滿酌觥船人盡祝  
富貴又長年莫教紅日西晚留著醉神仙

又

閭苑神仙平地見碧海架蓬瀛洞門相向倚金鋪微  
明處處天花撩亂飄散歌聲裝眞筵壽賜與流霞滿  
瑤觥紅鸞翠節紫鳳銀笙玉女雙來近彩雲隨步  
朝夕拜三清爲傳王母金錄祝千歲長生

山亭柳

贈歌者

家住西秦賭博藝隨身花柳上鬪尖新偶學念奴聲  
調有時高遏行雲蜀錦纏頭無數不負辛勤數年

來往咸京道殘杯冷炙漫消魂衷腸事託何人若有  
知音見採不辭徧唱陽春一曲當筵落淚重掩羅巾  
拂霓裳

慶生辰慶生辰是百千春開雅宴畫堂高會有諸親  
鈿函封大國玉色受絲綸感皇恩望九重天上拜堯  
雲今朝祝壽祝壽數比松椿斟美酒至心如對月  
中人一聲檀板動一炷蕙香焚禱仙真願年年今日  
喜長新

又

喜秋成見千門萬戶樂昇平金風細玉池波浪穀文  
生宿露霑羅幕微涼入畫屏張綺宴傍熏爐蕙炷和  
新聲神仙雅會會此日象蓬瀛管絃清旋翻紅袖  
學飛瓊光陰無暫住歡醉有閒情祝辰星願百千爲  
壽獻瑤觥

又

笑秋天晚荷花綴露珠圓風日好數行新雁貼寒煙  
銀簧調脆管瓊柱撥清絃捧觥船一聲聲齊唱太平  
年人生百歲離別易會逢難無事日剩呼賓友啓  
芳筵星辰催綠鬢風露損朱顏惜清歡又何妨沈醉  
玉尊前

珠玉詞終



同叔撫州臨川人也七歲能屬文張知白以神童薦  
眞宗召見與千餘人並試廷中神氣不懼援筆立成  
帝異之使盡讀秘閣書每取諮訪率用寸方小紙細  
書問之繼事仁宗尤加信愛仕至觀文殿大學士以  
疾請歸留侍經筵及卒帝臨奠猶以不親視疾爲恨  
特罷朝一日贈諡元獻一時士大夫如范仲淹歐陽  
修等皆出其門擇婿又得富弼楊察賦性剛峻遇人  
以誠一生自奉如寒士爲文瞻麗應用不窮尤工風  
雅閒作小詞其暮子幾道云先公爲詞未嘗作婦人  
語也古虞毛晉記

珠玉詞跋

題六一詞序

情動於中而形於外言人之常也詩三首篇如侯城  
闕望復關標梅實贈勺藥之類聖人未嘗刪焉陶淵  
明閑情一賦豈害其爲達而梁昭明以爲白玉微瑕  
何也公性至剛而與物有情蓋嘗致意於詩爲之本  
義溫柔寬厚所得深矣吟詠之餘溢爲歌詞有平山  
集盛傳於世曾慥雅詞不盡收也今定爲一卷其淺  
近者前輩多謂劉焯僞作故削之郡人羅泌

六一詞

目錄

採桑子 十三

朝中措 一

歸自謠 三

長相思 三

訴衷情 一

踏莎行 二

望江南 一

減字木蘭花 五

生查子 二

瑞鷓鴣 一

阮郎歸 五

蝶戀花 十七

漁家傲 三十

玉樓春 廿九

南歌子 一

御街行 一

虞美人影 二

臨江仙 二

六一詞

一

聖無憂 一

浪淘沙 五

定風波 六

驀山溪 一

浣溪沙 九

御帶花 一

虞美人 一

鶴冲天 一

夜行船 二

洛陽春 一

一叢花 一

雨中花 一

千秋歲 一

越溪春 一

賀聖朝影 一

洞天春 一

憶漢月 一

清平樂 二

應天長 二

涼州令 一

南鄉子 二

鵲橋仙 一

芳草渡 一調

□□□ 一調

更漏子 一調

摸魚兒 一調

少年遊 三調

行香子 一調

鷓鴣天 一調

六一詞

二

六一詞目錄終

六一詞

宋 歐陽修

採桑子

輕舟短棹西湖好  
綠水逶迤芳草長  
隄隱隱笙歌處  
處隨無風水面琉璃滑  
不覺船移微動漣漪驚起  
沙禽掠岸飛

又

春深雨過西湖好  
百卉爭妍蝶亂蜂喧  
晴日催花暖欲然  
蘭橈畫舸悠悠去  
疑是神仙返照波閒水闊  
風高颺管絃

又

六一詞

一

畫船載酒西湖好  
急管繁絃玉盞催傳  
穩泛平波任醉眠  
行雲卻在行舟下  
空水澄鮮俯仰留連  
疑是湖中別有天

又

羣芳過後西湖好  
狼籍殘紅飛絮濛濛  
垂柳闌干盡日風  
笙歌散盡遊人去  
始覺春空垂下簾櫳  
雙燕歸來細雨中

又

何人解賞西湖好  
佳景無時飛蓋相追  
貪向花間醉玉卮  
誰知閒凭闌干處  
芳草斜暉水遠煙微  
一點滄洲白鷺飛

又

清明上巳西湖好滿目繁華爭道誰家綠柳朱輪走  
鈿車 遊人日暮相將去醒醉諠譁路轉隄斜直到  
城頭總是花

又

荷花開後西湖好載酒來時不用旌旗前後紅幢綠  
蓋隨 畫船撐入花深處香泛金卮煙雨微微一片  
笙歌醉裏歸

又

天容水色西湖好雲物俱鮮鷗鷺閒眠應慣尋常聽  
管絃 風清月白偏宜夜一片瓊田誰羨驂鸞人在

六一詞

二

舟中便是仙

又

殘霞夕照西湖好花塢蘋汀十頃波平野岸無人舟  
自橫 西南月上浮雲散軒檻涼生蓮芰香清水面  
風來酒面醒

又

平生爲愛西湖好來擁朱輪富貴浮雲俯仰流年二  
十春 歸來恰似遼東鶴城郭人民觸目皆新誰識  
當年舊主人

又

畫樓鐘動君休唱往事無蹤聚散匆匆今日歡娛幾

客同 去年綠鬢今年白不覺衰容明月清風把酒  
何人憶謝公

又

十年一別流光速白首相逢莫話衰翁但鬪尊前語  
笑同 勸君滿酌君須醉盡日從容畫鷁牽風卽去  
朝天沃舜聰

又

十年前是尊前客月白風清憂患凋零老去光陰速  
可驚 鬢華雖改心無改試把金觥舊曲重聽猶似  
當年醉裏聲

朝中措

平山堂

六一詞

三

平山闌檻倚晴空山色有無中手種堂前垂柳別來  
幾度春風 文章太守揮毫萬字一飲千鍾行樂直  
須年少尊前看取衰翁

歸自謠

並載陽春錄  
名歸國謠

何處笛深夜夢回情脈脈竹風簷雨寒窗隔 離人  
幾歲無消息今頭白不眠特地重相憶

又

春豔豔江上晚山三四點柳絲如翦花如染 香闥  
寂寂門半掩愁眉斂淚珠滴破胭脂臉

又

寒水碧水上何人吹玉笛扁舟遠送瀟湘客 蘆花

千里霜月白傷行色來朝便是關山隔

長相思

舊刻四首攷深畫眉淺畫眉一首花間集刻白樂天尊前集刻唐無名氏今刪去

蘋滿溪柳繞隄相送行人溪水西回時隴月低  
煙霏風淒淒重倚朱門聽馬嘶寒鷗相對飛

又

花似伊柳似伊花柳青春人別離低頭雙淚垂  
長江東長江西兩岸鴛鴦兩處飛相逢知幾時

又

深花枝淺花枝深淺花枝相竝時花枝難似伊  
玉如肌柳如眉愛著鴉黃金縷衣啼妝更爲誰

六一詞

四

訴衷情

或刻山谷但清晨簾幕作珠簾繡幕易成傷作恨難忘擬歌作木歌

清晨簾幕卷輕霜呵手試梅妝都緣自有離恨故畫  
作遠山長思往事惜流芳易成傷擬歌先斂欲笑  
還擗最斷人腸

踏莎行

候館梅殘溪橋柳細草熏風暖搖征轡離愁漸遠漸  
無窮迢迢不斷如春水寸寸柔腸盈盈粉淚樓高  
莫近危闌倚平蕪盡處是春山行人更在春山外

又

兩霽風光春分天氣千花百卉爭明媚畫梁新燕一  
雙雙玉籠鸚鵡愁孤睡薜荔依牆莓苔滿地青樓



幾處歌聲麗。驀然舊事上心來。無言斂。皺眉山翠。

望江南

江南蝶斜日。一雙雙。身似何郎全傅粉。心如韓壽愛偷香。天賦與輕狂。微雨後。薄翅翹。膩煙光。纔伴遊蜂來小院。又隨飛絮過東牆。長是爲花忙。

減字木蘭花

留春不住。燕老鶯慵。無覓處。說似殘春。一老應無卻少人。風和月好。辨得黃金須買笑。愛惜芳時。莫待無花空折枝。

又

傷懷離抱。天若有情。天亦老。此意如何。細似輕絲渺。

六一詞

五

似波。扁舟岸側。楓葉荻花。秋索索。細想前歡。須著人間比夢閒。

又

樓臺向曉。淡月低雲。天氣好。翠幕風微。宛轉梁州入破時。香生舞袂。楚女腰肢。天與細汗。粉重勻酒後。輕寒不著人。

又

畫堂雅宴。一抹朱絃。初入。徧慢撚。輕籠玉指。纖纖嫩。剝蔥撥頭。愔利怨月愁花。無限意。紅粉輕盈。倚暖香檀。曲未成。

又

歌檀欵袂繚繞雕梁塵暗起柔潤清圓百琲明珠一  
縷穿櫻唇玉齒天上仙音心下事留住行雲滿坐  
迷魂酒半醺

生查子

或刻秦少游

去年元夜時花市燈如晝月到柳梢頭人約黃昏後  
今年元夜時月與燈依舊不見去年人淚滿春衫  
袖

又

或刻張子野

含羞整翠鬟得意頻相顧雁柱十三絃一一春鶯語  
嬌雲容易飛夢斷知何處深院鎖黃昏陣陣芭蕉  
雨

六一詞

六

瑞鷓鴣

楚王臺上一神仙眼色相看意已傳見了又休還似  
夢坐來雖近遠如天隴禽有恨猶能說江月無情  
也解圓更被春風送惆悵落花飛絮兩翩翩

阮郎歸

東風臨水日啣山春來長是閒落花狼籍酒闌珊笙  
歌醉夢閒春睡覺晚妝殘無人整翠鬟留連光景  
惜朱顏黃昏獨倚闌

又

或刻晏同叔

南園春早踏青時風和聞馬嘶青梅如豆柳如眉日  
長蝴蝶飛花露重草煙低人家簾幕垂鞦韆慵困

解羅衣畫梁雙燕棲

又上三闕並載陽春集名醉桃源

角聲吹斷隴梅枝孤窗月影低寒鴻無限欲驚飛城  
烏休夜啼尋斷夢掩深閨行人去路迷門前楊柳  
綠陰齊何時聞馬嘶

又

劉郎何日是來時無心雲勝伊行雲猶解傍山扉郎  
行去不歸強勻畫又芳菲春深輕薄衣桃花無語  
伴相思陰陰月上時

又

落花浮水樹臨池年前心眼期見來無事去還思而

六一詞

七

今花又飛

淺螺黛淡燕脂閒妝取次宜隔簾風雨

閉門時此情風月知

蝶戀花

舊刻二十二首攷遙夜亭臯閒信步是

李中主作六曲闌干恨碧樹又簾幕風輕雙語燕俱見珠玉詞獨倚危樓風細細又

簾下清歌簾外晏俱見樂章集今俱刪去  
簾幕東風寒料峭雪裏梅香先報春來早紅蠟枝頭

雙燕小金刀翦綵呈纖巧旋暖金爐熏蕙藻酒入

橫波困不禁煩惱繡被五更春睡好羅幃不覺紗窗

曉

又

南雁依稀回側陣雪霽牆陰徧覺蘭芽嫩中夜夢餘  
消酒困鑪香捲穗燈生暈急景流年都一瞬往事

前懽未免縈方寸臘後花期知漸近東風已作寒梅  
信

又

臘雪初消梅蕊綻梅雪相和喜鵲穿花嘯睡起夕陽  
迷醉眼新愁長向東風亂瘦覺玉肌羅帶緩紅杏  
梢頭二月春猶淺望極不來芳信斷音書縱有爭如  
見

又

海燕雙來歸畫棟簾影無風花影頻移動半醉騰騰  
春睡重綠鬢堆枕香雲擁翠被雙盤金縷鳳憶得  
前春有箇人人共花裏黃鶯時一弄日斜驚起相思

六一詞

八

夢

又

面旋落花風蕩漾柳重煙深雪絮飛來往雨後輕寒  
猶未放春愁酒病成惆悵枕畔屏山圍碧浪翠被  
華燈夜夜空相向寂寞起來寒繡幌月明正在梨花  
上

又一見陽春錄易安  
李氏稱是六一詞

庭院深深深幾許楊柳堆煙簾幕無重數玉勒雕鞍  
遊冶處樓高不見章臺路雨橫風狂三月暮門掩  
黃昏無計留春住淚眼問花花不語亂紅飛過鞦韆  
去

又

永日環隄乘綵舫煙草蕭疎恰似晴江上水浸碧天  
風皺浪菱花苒蔓隨雙槳紅粉佳人翻麗唱驚起  
鴛鴦兩兩飛相向且把金尊傾美釀休思往事成惆  
悵

又

越女採蓮秋水畔窄袖輕羅暗露雙金釧照影摘花  
花似面芳心只共絲爭亂鷓鴣灘頭風浪晚霧重  
煙輕不見來時伴隱隱歌聲歸棹遠離愁引著江南  
岸

又

六一詞

九

水浸秋天風皺浪縹緲仙舟只似秋天上和露採蓮  
愁一餉看花卻是啼妝樣折得蓮莖絲未放蓮斷  
絲牽特地成惆悵歸棹莫愁花蕩漾江頭有箇人相  
望

又一  
刻同叔  
一  
刻子瞻

梨葉初紅蟬韻歇銀漢風高玉管聲淒切枕簟乍涼  
銅漏徹誰教社燕輕離別草際蟲吟秋露結宿酒  
醒來不記歸時節多少衷腸猶未說珠簾夜夜朦朧  
月

又  
亦載陽  
春錄

誰道閒情拋棄久每到春來惆悵還依舊日日花前

常病酒不辭鏡裏朱顏瘦 河畔青蕪隄上柳爲問  
新愁何事年年有獨立小橋風滿袖平林新月人歸  
後

又

翠苑紅芳晴滿目綺席流鶯上下長相逐紫陌閒隨  
金輦轆馬蹄踏徧春郊綠 一覺年華春夢促往事  
悠悠百種尋思足煙雨滿樓山斷續人閒倚徧闌干  
曲

又

小院深深門掩亞寂寞珠簾畫閣重重下欲近禁煙  
微雨罷綠楊深處鞦韆挂 傳粉狂遊猶未捨不念

六一詞

十

芳時眉黛無人畫薄倖未歸春去也杏花零落香紅  
謝

又

亦載陽  
春錄

幾日行雲何處去忘了歸來不道春將暮百草千花  
寒食路香車繫在誰家樹 淚眼倚樓頻獨語雙燕  
來時陌上相逢否撩亂春愁如柳絮依依夢裏無尋  
處

又

欲過清明煙雨細小檻臨窗點點殘花墜梁燕語多  
驚曉睡銀屏一半堆香被 新歲風光如舊歲所恨  
征輪漸漸程迢遞縱有遠情難寫寄何妨解有相思

淚

又

畫閣歸來春又晚燕子雙飛柳軟桃花淺細雨滿天  
風滿院愁眉斂盡無人見 獨倚闌干心緒亂芳草  
芊綿尙憶江南岸風月無情人暗換舊遊如夢空腸  
斷

又

嘗愛西湖春色早臘雪方銷已見桃開小頃刻光陰  
都過了如今綠暗紅英少 且趁餘花謀一笑况有  
笙歌豔態相縈繞老去風情應不到憑君剩把芳尊  
倒

六一詞

十一

漁家傲

舊刻三十二首汝幽鷺漫來窺品格又  
楚國細腰元自瘦俱晏元獻公作今刪

去

一派潺湲流碧漲新亭四面山相向翠竹嶺頭明月  
上迷俯仰月輪正在泉中漾 更待高秋天氣爽菊  
花香裏開新釀酒美賓嘉眞勝賞紅粉唱山深分外  
歌聲響

又

十月小春梅蕊綻紅爐畫閣新裝徧錦帳美人貪睡  
暖羞起晚玉壺一夜冰漸滿 樓上四垂簾不卷天  
寒山色偏宜遠風急雁行吹字斷紅日短江天雪意  
雲撩亂

又與趙康靖公

四紀才名天下重  
三朝構厦爲梁棟  
定冊功成身退  
勇辭榮寵歸來白  
首笙歌擁  
顧我薄才無可用  
君恩近許歸田壠  
今日一觴難得共  
聊對捧官奴爲我  
高歌送

又

暖日遲遲花裊裊  
人將紅粉爭花好  
花不能言惟解  
笑金壺倒花開未  
老人年少  
車馬九門來擾擾  
行人莫羨長安道  
丹禁漏聲衢鼓報  
催昏曉  
長安城裏人先老

又

六一詞

十一

紅粉牆頭花幾樹  
落花片片和驚絮  
牆外有樓花有  
主尋花去隔牆遙  
見鞦韆侶  
綠索紅旗雙彩柱  
行人只得偷回顧  
腸斷樓南金鎖戶  
天欲暮流鶯飛到  
鞦韆處

又

妾本錢塘蘇小妹  
芙蓉花共門相對  
昨日爲逢青傘  
蓋慵不採今朝斗  
覺凋零際  
愁倚畫樓無計奈  
亂紅飄過秋塘外  
料得明年秋色在  
香可愛其如鏡裏  
花顏改

又

花底忽聞敲雨漿  
逡巡女伴來尋訪  
酒盞旋將荷葉



當蓮舟蕩時時盞裏生紅浪  
花氣酒香清斲釀花  
腮酒面紅相向醉倚綠陰眠一餉驚起望船頭閣在  
沙灘上

又

葉有清風花有露葉籠花罩鴛鴦侶白錦頂絲紅錦  
羽蓮女妬驚飛不許長相聚一日腳沈紅天色暮清  
涼傘上微微雨早是水寒無宿處須回步枉教雨裏  
分飛去

又

荷葉田田青照水孤舟挽在花陰底昨夜蕭蕭疎雨  
墜愁不寐朝來又覺西風起雨擺風搖金藥碎合

六一詞

三

歡枝上香房翠蓮子與人長斲類無好意年年苦在  
中心裏

又

葉重如將青玉亞花輕疑是紅綃掛顏色清新香脫  
灑堪長價牡丹怎得稱王者雨筆露牋勻彩畫日  
爐風炭熏蘭麝天與多情絲一把誰斲惹千條萬縷  
縈心下

又

一刻  
同叔

粉蕊丹青描不得金針線線功難敵誰傍暗香輕採  
摘風浙浙船頭觸散雙鷓鴣夜雨染成天水碧朝  
陽借出胭脂色欲落又開人共惜秋氣逼盤中已見

新荷蒨

又

喜鵲填河仙浪淺雲駢早在星橋畔街鼓黃昏霞屋  
暗炎光斂金鉤側倒天西面 一別經年今始見新  
歡往恨知何限天上佳期貪眷戀良宵短人間不合  
催銀箭

又

乞巧樓頭雲幔捲浮花催洗嚴妝面花上蛛絲尋得  
徧顰笑淺雙眸望月牽紅線 奕奕天河光不斷有  
人正在長生殿暗付金釵清夜半千秋願年年此會  
長相見

又

六一詞

十四

別恨長長歡計短疎鐘促漏真堪怨此會此情都未  
半星初轉鸞琴鳳樂匆匆卷 河鼓無言西北盼香  
蟻有恨東南遠脈脈橫波珠淚滿歸心亂離腸便逐  
星橋斷

又

九日歡遊何處好黃花萬蕊雕闌繞通體清香無俗  
調天氣好煙滋露結功多少 日腳清寒高下照寶  
釘密綴圓斜小落葉西園風嫋嫋催秋老叢邊莫厭  
金尊倒

又

青女霜前催得綻金鈿亂散枝頭徧落帽臺高開雅  
宴芳尊滿撥花吹在流霞面桃李三春雖可羨鶯  
來蝶去芳心亂爭似仙潭秋水岸香不斷年年自作  
茱萸伴

又

露裊嬌黃風擺翠人開晚秀非無意仙格淡妝天與  
麗誰可比女眞裝束眞相似筵上佳人牽翠袂纖  
纖玉手撥新藥美酒一杯花影膩邀客醉紅瓊共作  
熏熏媚

又

對酒當歌勞客勸惜花只惜年華晚寒豔冷香秋不

六一詞

五

管情眷眷凭闌盡日愁無限思抱芳期隨塞雁悔  
無深意傳雙燕悵望一枝難寄遠人不見樓頭望斷  
相思眼

又

以下元刻續添  
次玉樓春後

正月斗杓初轉勢金刀翦綠功夫異稱慶高堂歡幼  
稚看柳意偏從東面春風至十四新蟾圓尙未樓  
前乍看紅燈試冰散綠池泉細細魚欲戲園林已是  
花天氣

又

二月春耕昌杏密百花次第爭先出惟有海棠梨第  
一深淺拂天生紅粉眞無匹畫棟歸來巢未失雙

雙款語憐飛乙留客醉花迎曉日金盞溢卻憂風雨  
飄零疾

又

三月清明天婉婉晴川被禊歸來晚况是踏青來處  
遠猶不倦鞦韆別閉深庭院更值牡丹開欲徧  
醺壓架清香散花底一尊誰解勸增眷戀東風向晚  
無情絆

又

四月園林春去後深深密幄陰初茂折得花枝猶在  
手香滿袖葉間梅子青如豆風雨時時添氣候成  
行新筍霜筠厚題就送春詩幾首聊對酒櫻桃色照

六一詞

六

銀盤溜

又

五月榴花妖豔烘綠楊帶雨垂垂重五色新詩纏角  
纓金盤送生綃畫扇盤雙鳳正是浴蘭時節動菖  
蒲酒美清尊共葉裏黃鸝時一弄猶鬢鬆等閒驚破  
紗窗夢

又

六月炎天時霎雨行雲涌出奇峯露沼上嫩蓮腰束  
素風兼露梁王宮闕無煩暑畏日亭亭殘蕙炷傍  
簾乳燕雙飛去碧盃敲冰傾玉處朝與暮故人風快  
涼輕度

又

七月新秋風露早渚蓮向折庭梧老是處瓜華時節  
好金尊倒人間綵縷爭祈巧萬葉敲聲涼乍到百  
蟲啼晚煙如掃箭漏初長天杳杳人語悄那堪夜雨  
催清曉

又

八月秋高風歷亂衰蘭敗芷紅蓮岸皓月十分光正  
滿清光畔年年常願瓊筵看社近愁看歸去燕江  
天空闊雲容漫宋玉當時情不淺成幽怨鄉關千里  
危腸斷

又

六一詞

七

九月霜秋已盡烘林敗葉紅相映惟有東籬黃菊  
盛遺金粉人家簾幕重陽近曉日陰陰晴未定授  
衣時節輕寒嫩新雁一聲風又勁雲欲凝雁來應有  
吾鄉信

又重前畧異  
仍舊竝刻

十月小春梅蕊綻紅樓畫閣新妝徧鴛帳美人貪睡  
暖梳洗嬾玉壺一夜輕漸滿樓上四垂簾不捲天  
寒山色偏宜遠風急雁行吹字斷紅日晚江天雪意  
雲撩亂

又

十一月新陽排壽宴黃鍾應管添宮線獵獵寒威雲

不捲風頭轉時看雪霰吹人面 南至迎長知漏箭  
書雲紀候冰生硯臘近探春春尚遠閒亭院梅花落  
盡千千片

又

十二月嚴凝天地閉莫嫌臺榭無花卉惟有酒能欺  
雪意增豪氣直教耳熱笙歌沸 隴上雕鞍惟數騎  
獵圍半合新霜裏霜重鼓聲寒不起千人指馬前一  
雁寒空墜

玉樓春

風遲日媚煙光好綠樹依依芳意早年華容易卽凋  
零春色只宜長恨少 池塘隱隱驚雷曉柳眼未開

六一詞

大

梅萼小尊前貪愛物華新不道物新人漸老

又

西亭飲散清歌闋花外遲遲宮漏發塗金燭引紫騮  
嘶柳曲西頭歸路別 佳辰只恐幽期闕密贈殷勤  
衣上結翠屏魂夢莫相尋禁斷六街清夜月

又

春山歛黛低歌扇暫解吳鉤登祖宴畫樓鐘動已魂  
銷何況馬嘶芳草岸 青門柳色隨人遠望欲斷時  
腸已斷洛陽春色待君來莫到落花飛似霰

又

尊前擬把歸期說未語春容先慘咽人生自是有情

癡此恨不關風與月 離歌且莫翻新闋一曲能教  
陽寸結直須看盡洛城花始共春風容易別

又

洛陽正值芳菲節穠豔清香相間發遊絲有意苦相  
縈垂柳無端爭贈別 杏花紅處青山缺山畔行人  
山下歇今宵誰肯遠相隨惟有寂寥孤館月

又

殘春一夜狂風雨斷送紅飛花落樹人心花意待留  
春春色無情容易去 高樓把酒愁獨語借問春歸  
何處所暮雲空闊不知音惟有綠楊芳草路

又

六一詞

尤

常憶洛陽風景媚煙暖風和添酒味鶯啼宴席似留  
人花出牆頭如有意 別來已隔千山翠望斷危樓  
斜日墜關心只爲牡丹紅一片春愁來夢裏

又

池塘水綠春微暖記得玉真初見面從頭歌韻響鈴  
鏦入破舞腰紅亂旋 玉鉤簾下香階畔醉後不知  
紅日晚當時共我賞花人點檢如今無一半

又

兩翁相遇逢佳節正值柳綿飛似雪便須豪飲敵青  
春莫對新花羞白髮 人生聚散如弦筈老去風情  
尤惜別大家金盞倒垂蓮一任西樓低曉月

又

西湖南北煙波闊風裏絲簧聲韻咽舞餘裙帶綠雙  
垂酒入香腮紅一抹杯深不覺瑠璃滑貪看六么  
花十八明朝車馬各東西惆悵畫橋風與月

又

燕鴻過後春歸去細算浮生千萬緒來如春夢幾多  
時去似朝雲無覓處聞琴解珮神仙侶挽斷羅衣  
留不住勸君莫作獨醒人爛醉花閒應有數

又

蝶飛芳草花飛路把酒已嗟春色暮當時枝上落殘  
花今日水流何處去樓前獨繞鳴蟬樹憶把芳條

六一詞

三

吹暖絮紅蓮綠芰亦芳菲不奈金風兼玉露

又

別後不知君遠近觸目淒涼多少悶漸行漸遠漸無  
書水闊魚沈何處問夜深風竹敲秋韻萬葉千聲  
皆是恨故歛單枕夢中尋夢又不成燈又燼

又

紅條約束瓊肌穩拍碎香檀催急袞隴頭嗚咽水聲  
繁葉下間關鶯語近美人才子傳芳信明月清風  
傷別恨未知何處有知音常爲此情留此恨

又

檀槽碎響金絲撥露溼潯陽江上月不知商婦爲誰



愁一曲行人留夜發  
畫堂花月新聲別  
紅藥調長  
彈未徹  
暗將深意祝膠弦  
惟願弦弦無斷絕

又

春蔥指甲輕攏撚  
五彩垂條雙袖捲  
雪香濃透紫檀槽  
胡語急隨紅玉腕  
當頭一曲情何限  
人破鉦鏦  
金鳳戰百分芳酒  
祝長春再拜歛容擡粉面

又

金花蓋面紅煙透  
舞急香茵隨步皺  
青春才子有新詞  
紅粉佳人重勸酒  
也知自爲傷春瘦  
歸騎休交銀燭候  
擬將沈醉爲清歡  
無奈醒來還感舊

又

六一詞

三

雪雲乍變春雲簇  
漸覺年華堪送目  
北枝梅蕊犯寒開  
南浦波紋如酒綠  
芳菲次第還相續  
不奈情多無處足  
尊前百計得春歸  
莫爲傷春歌黛蹙

又

柳

黃金弄色輕於粉  
濯濯春條如水嫩  
爲緣力薄未禁風  
不奈多嬌長似困  
腰柔乍怯人相近  
眉小未知春有恨  
勸君著意惜芳菲  
莫待行人攀折盡

又

珠簾半下香銷印  
二月東風催柳信  
琵琶旁畔且尋思  
鸚鵡前頭休借問  
驚鴻過後生離恨  
紅日長時添酒困  
未知心在阿誰邊  
滿眼淚珠言不盡

又

沈沈庭院鶯吟弄日暖煙和春氣重綠楊嬌眼爲誰  
回芳草深心空自動倚闌無語傷離鳳一片風情  
無處用尋思還有舊家心蝴蝶時時來役夢

又

去時梅萼初凝粉不覺小桃風力損梨花最晚又凋  
零何事歸期無定準闌干倚徧重來凭淚粉偷將  
紅袖印蜘蛛喜鵲誤人多似此無憑安足信

又

酒美春濃花世界得意人人千萬態莫教辜負豔陽  
天過了堆金何處買已去少年無計奈且願芳心  
長恁在閒愁一點上心來算得東風吹不解

又

湖邊柳外樓高處望斷雲山多少路闌干倚徧使人  
愁又是天涯初日暮輕無管繫狂無數水畔花飛  
風裏絮算伊渾似薄情郎去便不來來便去

又

南園粉蝶能無數度翠穿紅來復去倡條冶葉恣留  
連飄蕩輕于花上絮朱闌昨夜風兼露宿粉棲香  
無定所多情翻卻似無情贏得百花無限妬

又

規子

江南三月春光老月落禽啼春未曉露和啼血染花

紅恨過千家煙樹杪 雲垂玉枕屏山小夢欲成時  
驚覺了人心應不似伊心若解思歸歸合早

又

東風本是開花信及至花時風更緊吹開吹謝苦匆  
匆春意到頭無處問 把酒臨風千萬恨欲掃殘紅  
猶未忍夜來風雨轉離披滿眼淒涼愁不盡

又

陰陰樹色籠晴晝清淡園林春過後杏腮輕粉日催  
紅池面綠羅風捲皺 佳人向晚新妝就圓膩歌喉  
珠欲溜當筵莫放酒杯遲樂事良辰難入手

又

六一詞

三

芙蓉鬪暈胭脂淺留著晚花開小宴畫船紅日晚風  
清柳色溪光晴照暖 美人爭勸梨花盞舞困玉腰  
裙縷慢莫交銀燭促歸期已祝斜陽休更晚

南歌子

鳳髻金泥帶龍紋玉掌梳走來窗下笑相扶愛道畫  
眉深淺入時無 弄筆偎人久描花試手初等閒妨  
了繡功夫笑問雙鴛鴦字怎生書

御街行

天非華豔輕非霧來夜半天明去來如春夢不多時  
去似朝雲何處乳雞酒燕落星沈月統統城頭鼓  
參差漸辨西池樹朱閣斜欹戶綠苔深徑少人行苔

上展痕無數遺香餘粉剩衾閒枕天把多情賦

虞美人影

梅梢弄粉香猶嫩欲寄江南春信別後寸腸縈損說  
與伊爭穩 小爐獨守寒灰燼忍淚低頭畫盡眉上  
萬重新恨竟日無人問

又

鶯愁燕苦春歸去寂寂花飄紅雨碧草綠楊歧路况  
是長亭暮 小年行客情難訴泣對東風無語目斷  
雨三煙樹翠隔江淹浦

臨江仙

柳外輕雷池上雨雨聲滴碎荷聲小樓西角斷虹明

六一詞

香

闌干倚處待得月華生 燕子飛來窺畫棟玉鉤垂  
下簾旌涼波不動簟紋平水精雙枕旁有墮釵橫

又

記得金鑾同唱第春風上國繁華如今薄宦老天涯  
十年歧路空負曲江花 聞說閬山通閬苑樓高不  
見君家孤城寒日等閒斜離愁難盡紅樹遠連霞

聖無憂

世路風波險千年一別須臾人生聚散長如此相見  
且歡娛 好酒能消光景春風不染髭鬚爲公一醉  
花前倒紅袖莫來扶

浪淘沙

把酒祝東風且共從容垂楊紫陌洛城東總是當時  
攜手處遊徧芳叢聚散苦匆匆此恨無窮今年花  
勝去年紅可惜明年花更好知與誰同

又

花外倒金翹飲散無膠柔桑蔽日柳迷條此地年時  
曾一醉還是春朝今日舉輕橈帆影飄飄長亭回  
首短亭遙過盡長亭人更遠特地魂銷

又

五嶺麥秋殘荔子初丹絳紗囊裏水晶丸可惜天教  
生處遠不近長安往事憶開元妃子偏憐一從魂  
散馬鬼關只有紅塵迷驛使滿眼驪山

六一詞

三

又

萬恨苦綿綿舊約前歡桃花溪畔柳陰間幾度日高  
春睡重繡戶深闌樓外斜陽閒獨自憑闌一重水  
隔一重山水闊山高人不見有淚無言

又

今日北池遊漾漾輕舟波光潏灩柳條柔如此春來  
春又去白了人頭好妓好歌喉不醉難休勸君滿  
滿酌金甌總使花時常病酒也是風流

定風流

把酒花前欲問他對花何恹醉顏酡春到幾人能爛  
噴何況無情風雨等閒多豔樹香叢都幾許朝暮

惜紅愁粉奈情何好是金船浮玉浪相向十分深送  
一聲歌

又

把酒花前欲問伊忍嫌金盞負春時紅豔不能旬日  
看宜算須知開謝只相隨蝶去蝶來猶解戀難見  
回頭還是度年期莫候飲闌花已盡方信無人堪與  
補殘枝

又

把酒花前欲問公對花何事訴金鐘爲甚去年春甚  
處虛度鶯聲撩亂一場空今歲春來須愛惜難得  
須知花面不長紅待得酒醒君不見千片不隨流水

六一詞

三

卽隨風

又

把酒花前欲問君世閒何計可留春縱使青春留得  
住虛語無情花對有情人任是好花須落去自古  
紅顏能得幾時新暗想浮生何事好唯有清歌一曲  
倒金尊

又

過盡韶華不可添小樓紅日下層簷春睡覺來情緒  
惡寂寞楊花撩亂拂珠簾早是閒愁依舊在無奈  
那堪更被宿醒兼把酒送春惆悵甚長恁年年三月  
病懨懨

又

對酒追歡莫負春光歸去可饒人昨日紅芳今綠  
樹已暮殘花飛絮雨紛紛 粉面麗姝歌窈窕清妙  
尊前信任醉醺醺不是狂心貪燕樂自覺年來白髮  
滿頭新

驀山溪

新正初破三五銀蟾滿纖手染香羅翦紅蓮滿城開  
徧樓臺上下歌管咽春風駕香輪停寶馬只待金烏  
晚 帝城今夜羅綺誰爲伴應卜紫姑神問歸期相  
思望斷天涯情緒對酒且開顏春宵短春寒淺莫待  
金杯暖

六一詞

三

浣溪沙

雲曳香綿彩柱高絳旗風颭出花梢一梭紅帶往來  
拋 束素美人羞不打卻嫌裙慢褪纖腰日斜深院  
影空搖

又

隄上遊人逐畫船拍隄春水四垂天綠楊樓外出鞦韆  
白髮戴花君莫笑六么催拍盞頻傳人生何處  
似尊前

又

湖上朱橋響畫輪溶溶春水浸春雲碧瑠璃滑淨無  
塵 當路遊絲縈醉客隔花啼鳥喚行人日斜歸去

奈何春

又

葉底青青杏子垂枝頭薄薄柳綿飛日高深院晚鶯啼  
堪恨風流成薄倖斷無消息道歸期托腮無語  
翠眉低

又或入珠玉詞  
或入淮海詞

青杏園林煮酒香佳人初試薄羅裳柳絲搖曳燕飛  
忙乍雨乍晴花自落閒愁閒悶畫偏長爲誰消瘦  
捐容光

又

紅粉佳人白玉杯木蘭船穩棹歌催綠荷風裏笑聲

六一詞

三

來細雨輕煙籠草樹斜橋曲水繞樓臺夕陽高處  
畫屏開

又

翠袖嬌鬢舞石州兩行紅粉一時羞新聲難逐管絃  
愁白髮主人年未老清時賢相望偏優一尊風月  
爲公留

又

燈燼垂花月似霜薄簾映月兩交光酒醺紅粉自生  
香雙手舞餘拖翠袖一聲歌已酌金觴休回嬌眼  
斷人腸

又



十載相逢酒一卮故人纔見便開眉  
老來遊舊更同誰 浮世歌歡真易失  
宦途離合信難期 尊前莫惜醉如泥

御帶花

青春何處風光好帝里偏愛元夕  
萬重繒綵構一屏 峰嶺半空金碧  
粲銀缸耀絳幕龍虎騰擲沙隄遠  
雕輪繡轂爭走五王宅 雍容熙熙  
作畫會樂府神 姬海洞仙客拽香  
搖翠稱執手行歌錦街天陌月淡  
寒輕漸向曉漏聲寂寂當年少  
狂心未已不醉怎歸得

虞美人

六一詞

无

爐香晝永龍煙白風動金鸞額  
畫屏寒掩小山川睡 容初起枕痕  
圓墜花鈿 樓高不及煙霄半望  
盡相思眼豔陽剛愛挫愁人  
故生芳草碧連雲怨王孫

鶴冲天

梅謝粉柳拖金香滿舊園林  
養花天氣半晴陰花好 卻愁深  
花無數愁無數花好卻愁春去  
戴花持酒 祝東風千萬莫匆匆

夜行船

憶昔西都歡縱自別後有誰能共  
伊川山水洛川花 細尋思舊遊  
如夢 記今日相逢情愈重愁聞  
唱畫樓鐘動白髮天涯逢此景  
倒金尊殢誰相送

又

滿眼東風飛絮催行色短亭春暮落花流水草連雲  
看看是斷腸南浦檀板未終人去去扁舟在綠楊  
深處手把金尊難爲別更那聽亂鶯疎雨

洛陽春

紅紗未曉黃鸝語蕙爐銷蘭炷錦屏羅幕護春寒昨  
夜三更雨繡簾閒倚吹輕絮斂眉山無緒看花拭  
淚向歸鴻問來處逢郎否

一叢花

向誤張子野

傷春懷遠幾時窮無物似情濃離愁正恁牽絲亂更  
南陌飛絮濛濛歸騎漸遙征塵不斷何處認郎蹤

六一詞

三

雙鴛池沼水溶溶南北小橋通梯橫畫閣黃昏後又  
還是新月簾櫳沈恨細思不如桃李還解嫁春風

雨中花

千古都門行路能使離歌聲苦送盡行人花殘春晚  
又到君東去醉藉落花吹暖絮多少曲隄芳樹且  
攜手留連良辰美景留作相思處

千秋歲

數聲鶗鴂又報芳菲歇惜春更把殘紅折雨輕風色  
暴梅子青時節永豐柳無人盡日花飛雪莫把絲  
絃撥怨極絃能說天不老情難絕心似雙絲網終有  
千千結夜過也東窗未白殘燈滅

越溪春

三月十三寒食日春色徧天涯越溪聞苑繁華地傍  
禁垣珠翠煙霞紅粉牆頭鞦韆影裏臨水人家歸  
來晚駐香車銀箭透窗紗有時三點兩點雨霽朱門  
柳細風斜沈麝不燒金鴨冷籠月照梨花

賀聖朝影

白雪梨花紅粉桃露華高垂楊慢舞絲絲條草如袍  
風過小池輕浪起似江皐千金莫惜買香膠且陶

陶

洞天春

鶯啼綠樹聲早檻外殘紅未掃露點眞珠徧芳草正

六一詞

三

簾幃清曉鞦韆宅院悄悄又是清明過了燕蝶輕

狂柳絲撩亂春心多少

憶漢月

紅豔幾枝輕裊新被東風開了倚煙啼露爲誰嬌故  
惹蝶憐蜂惱多情遊賞處留戀向綠叢千繞酒闌  
歡罷不成歸腸斷月斜春老

清平樂

雨晴煙晚綠水新池滿雙燕飛來垂柳院小閣畫簾  
高捲黃昏獨倚朱闌西南初月眉彎砌下落花風  
起羅衣特地春寒

又

小庭春老碧砌紅萱草長憶小闌閒共繞攜手綠叢  
含笑 別來音信全乖舊期前事堪猜門掩日斜人  
靜落花愁點青苔

應天長

舊刻三首攷綠槐陰裏黃鸝  
語花間集刻章莊今刪去

一彎初月臨鸞鏡雲鬢鳳釵慵不整珠簾淨重樓迴  
惆悵落花風不定 綠煙低柳徑何處轆轤金井昨  
夜更闌酒醒春愁勝卻病

又

石城山下桃花綻宿雨初晴雲未散南去棹北飛雁  
水闊山遙腸欲斷 倚樓情緒懶惆悵春心無限燕  
度蒹葭風晚欲歸愁滿面

涼州令

東堂石榴

六一詞

三

翠樹芳條颭的的裙腰初染佳人攜手弄芳菲綠陰  
紅影共展雙紋簾插花照影窺鸞鑑只恐芳容減不  
堪零落春晚青苔雨後深紅點 一去門閒掩重來  
卻尋朱檻離離秋實弄輕霜嬌紅脈脈似見胭脂臉  
人非事往眉空斂誰把佳期賺芳心只願長依舊春  
風更放明年豔

南鄉子

翠密紅繁水國涼生未是寒雨打荷花珠不定輕翻  
冷潑鴛鴦錦翅斑 盡日凭闌弄藥拈花仔細看偷  
得馬蹄新鑄樣無端藏在紅房豔粉間

又

雨後斜陽細細風來細細香風定波平花映水休藏  
照出輕盈半面妝 路隔秋江蓮子深深隱翠房意  
在蓮心無問處難忘淚裏紅腮不記行

鵲橋仙

月波清霽煙容明淡靈漢舊期還至鵲迎橋路接天  
津映夾岸星榆點綴 雲屏未捲仙雞催曉腸斷去  
年情味多應天意不交長恁恐把歡娛容易

芳草渡

梧桐落蓼花秋煙初冷雨纔收蕭條風物正堪愁人  
去後多少恨在心頭 燕鴻遠羌笛怨渺渺澄波一

六一詞

三

片山如黛月如鉤笙歌散夢魂斷倚高樓

□□□

珠簾捲暮雲愁垂楊暗鎖青樓煙雨濛濛如畫輕風  
吹旋收 香斷錦屏新別人聞玉簫初秋多少舊歡  
新恨書杳杳夢悠悠

更漏子

風帶寒枝正好蘭蕙無端先老情悄悄夢依依離人  
殊未歸 褰羅幕凭朱閣不獨堪悲搖落月東出雁  
南飛誰家夜搗衣

摸魚兒

捲繡簾梧桐秋院落一霎雨添新綠對小池閒立殘

妝淺向晚水紋如縠凝遠目恨人去寂寂鳳枕孤難  
宿倚闌不足看燕拂風簷蝶翻露草兩兩長相逐  
雙眉促可惜年華婉婉西風初弄庭菊况伊家年少  
多情未已難拘束那堪更趁涼景追尋甚處垂楊曲  
佳期過盡但不說歸來多應忘了雲屏去時祝

少年遊

去年秋晚此園中攜手翫芳叢拈花嗅蕊惱煙撩霧  
拚醉倚西風今年重對芳叢處追往事又成空敲  
徧闌干向人無語惆悵滿枝紅

又

肉紅圓樣淺心黃枝上巧如裝雨輕煙重無慘天氣

六一詞

三

啼破曉來妝寒輕貼體風頭冷忍拋棄向秋光不  
會深心爲誰惆悵回面恨斜陽

又

玉壺冰瑩獸爐灰人起繡簾開春叢一夜六花開盡  
不待剪刀催洛陽城闕中天起高下徧樓臺絮亂  
風輕拂鞍霑袖歸路似章街

行香子

舞雪歌雲閒淡妝勻藍溪水染輕裙酒香醺臉粉色  
生春更雅談話好情性美精神空江不斷凌波何  
處向越橋邊青柳朱門斷鐘殘角又送黃昏奈眼中  
淚心中事意中人

鷓鴣天

學畫宮眉細細長芙蓉出水鬪新妝只知一笑能傾國不信相看有斷腸雙黃鵠兩鴛鴦迢迢雲水恨難忘早知今日長相憶不及從初莫作雙

荆公嘗對客誦永叔小闕云五絲新絲纏角糲金盤送生綃畫扇盤雙鳳曰三十年前見其全篇今才記三句乃永叔在李太尉端愿席上所作十二月鼓子詞數問人求之不可得嗚呼荆公之沒二紀余自永平幕召還過武陵始得於州將李君誼追恨荆公之不獲見也誼太尉猶子也□□□□年中秋日金陵□□□記

六一詞

重

政和丙申冬余還自京師過歙州太守濠梁許君頌之席上見許君舉荆公所記三句且云此詞才情有餘他人不能道也後十二年建炎戊申偶得此本於長樂同宮方君後四年辛亥紹興二月朔自尤谿避盜宿龍爬以待二弟適無事謾錄于此

吏部員外郎朱松喬年

廬陵舊刻三卷且載樂語于首今刪樂語滙爲一卷  
凡他稿誤入如清商怨類一一削去誤入他稿如歸  
自謠類一一注明然集中更有浮豔傷雅不似公筆  
者先輩云疑以傳疑可也古虞毛晉記

六一詞跋



99301

10392

晉武帝云錄以對錄可也古與手晉語  
自歸賦一一並視湯棗中更首氣禮獻雖不知公筆  
凡此錄悉入賦商怨賦一一削去題入歸自謠類  
廬陵舊刻三卷且載樂語于首今刪樂語滙爲一卷



